



Զահրատ

Տարեդարձ

Այսօր դիպուածաւ

Երբ փողոցը կամ հանրակառքին մէջ

Կամ երկինքին վրայ երկինքէն անդին

Երեսունըինգ մոմ տեսնէք վառուած

Զահրատը յիշեցէք

Ձեր բանը գործը ձգեցէք մէկ դի

Պահ մը ձեր վիշտերն ու քէնը մոռցէք

Դիտեցէք մոմերու պուրակն այդ բռնկած

Ու մտածեցէք

Թէ օր մ'ալ հով մը պիտի փշէ խօլ

Այս բոլոր մոմերը պիտի մարին

Ու պիտի ցրուին անջրպետին մէջ

Ուր ոչ մոմ կ'ապրի ոչ դուք ոչ Զահրատ

Պահ մը խորհեցէք

Ու յետոյ դարձեալ

Դուք ձեր հոգերուն

Ես իմ մոմերուս

19 Մայիս 1959